

Сурхондарё вилояти Хотин-қизлар тадбиркорлик маркази томонидан ПРЕСС-РЕЛИЗ ўтказилди

ЭНГ ДОЛЗАРБ ВАЗИФА АМАЛДА

Эҳтиёжманд қатламни оғир турмуш шароитига тушиб қолишдан асраш, камбағал ва ишсиз фуқаролар меҳнат қилишини қўллаб-қувватлаш дунёдаги энг долзарб вазифалардан бири сифатида кун тартибига чиқди.

Мамлакатимизда бу вазифани самарали бажариш, давлат ва жамият имкониятларидан тўғри фойдаланишга алоҳида эътибор қаратилиб, муҳим қарорлар қабул қилиниб, самарали ўз ижросини топмоқда.



Маълумингизки, Ўзбекистон Республикаси Президентининг 2019 йил 7 мартдаги “Хотин-қизларнинг меҳнат ҳуқуқлари кафолатларини янада кучайтириш ва тадбиркорлик фаолиятини қўллаб-қувватлашга оид чора-тадбирлар

тўғрисида”ги ПҚ-4235 сонли қарори ижросини таъминлай бориб, Сурхондарё вилоятида вилоят Хотин-қизлар тадбиркорлик маркази ташкил этилди ва 2019 йил 29 август куни Адлия бошқармасида 276-рақам билан рўйхатдан ўтиб ўз фаолиятини бошлади.

Марказ ўз фаолиятини бошлаган кундан буён ўтган давр мобайнида тадбиркорлик билан шуғулланиш истагини билдирган хотин-қизлар “Темир дафтар”, “Аёллар дафтари” асосида махсус ўқитиш дастури бўйича ўқитилиб келинмоқда.

Марказ томонидан (2019 йилда 960 нафар, 2020 йилда 3790 нафар, 2021 йилда 7986 нафар) ташкил топган кундан буён ўтган давр мобайнида жами 12 минг 736 нафар мушкул иқтисодий аҳволга тушган, тадбиркорлик билан шуғулланиш истагини билдирган аёллар учун меҳнат бозорида талаб этилаётган касблар бўйича қатор йўналишларда қисқа муддатли ўқувлар ташкил этилди.



Биргина 2021 йилнинг ўзида вилоятнинг Термиз шаҳри ва 14 та туманларида маҳаллаларда ўтказилган хатлов натижасида аниқланган таҳлилдан келиб чиққан ҳолда бандлиги бўлмаган, ўқиб касб ўрганиш истагини билдирган мушкул иқтисодий аҳволга тушган, тадбиркорлик билан шуғулланиш истагини билдирган “Аёллар дафтари”да рўйхатда турган 7986 нафар аёллар ўқитилди

ва бу аёлларнинг 7083 нафарига имтиёзли кредитлар олиб ўз тадбиркорликларини бошлашларида яқиндан амалий ёрдам кўрсатилди.

Қарорлар ижросини таъминлай бориб, **2021 йил декабр ойида Ўзбекистон нодавлат нотижорат ташкилотларини қўллаб-қувватлаш жамоат фондининг биринчи грант танлови эълон қилинган бўлиб, Сурхондарё вилоят Хотин-қизлар тадбиркорлик маркази танловнинг “Аҳолига ижтимоий хизмат кўрсатиш, уларни ижтимоий қўллаб-қувватлаш ва муҳофаза қилиш” йўналишида ўзининг “Денов, Сариосиё, Узун туманларида оғир турмуш шароитига тушиб қолган ва жисмоний имконияти чекланган шахсларнинг бандлигини таъминлашга ҳамда меҳнат кўникмалари шаклланишига кўмаклашиш”** мавзусидаги лойиҳаси билан иштирок этиб ғолиб чиқди.



Лойиҳанинг мақсади:

Денов, Узун, Сариосиё туманлардан аниқланган оғир турмуш шароитига тушиб қолган ва жисмоний имконияти чекланган аёллар ва ёшларнинг бандлигини таъминлаш мақсадида тадбиркорлик кўникмалари шаклланишига кўмаклашиш.

Тадбиркорлик кўникмаларини, меҳнат кўникмаларини шакллантириб, замонавий касб-хунарларга ўқитиш орқали уларни оғир турмуш шароитидан,

камбағалликдан чиқишларига кўмаклашиш;

Тадбиркорлик билан шуғулланишларига ва даромад топишларига эришишда кўмаклашиш.




Бугун лойиҳа доирасида ўтказилган тадбирда:

Оила ва хотин-қизлар давлат қўмитаси вилоят бошқармаси ва Узун туман бўлими билан ҳамкорликда Сурхондарё вилояти Хотин-қизлар тадбиркорлик маркази томонидан лойиҳа доирасида семинар-ўқув ташкил этилди. Тадбирда Узун туманида истиқомат қилувчи хотин-қизлар иштирок этди.

Иштирокчилар келгусида тадбиркорликни бошлаш борасида кўникмаларга ўргатилди.

Image not found or type unknown




Тадбир давомида тегишли тайёрланган кўргазмали материаллардан, ахборот коммуникацион технологияларидан фойдаланилди, махсус тайёрланган буклетлар мавзуга қараб тадбир жараёнларида тарқатилди.

Қатнашчилардан ўқув семинар якунида тест олиниб тадбиркорлик кўникмалари баҳоланди.

Лойиҳа доирасида семинар савол-жавобларга бой тарзда ўтди. Лойиҳа иштирокчиларига тадбир якунида сертификатлар топширилди.

Image not found or type unknown



Биз ўз навбатида - “Аёллари қадр топган юртда яшаётганига шукроналар келтириб, дадил қадам ташлаётган бу аёлларимизнинг ишлари ҳамиша юксалаверсин” - деймиз.

